

VENDIM
Nr. 591, datë 7.9.2022

**PËR MIRATIMIN E LLOJEVE TË SHËRBIMEVE SHITESË QË OFRON POLICIA
E SHTETIT DHE TARIFAVE TË PAGESËS PËR PERSONAT JURIDIKË E
FIZIKË, PUBLIKË OSE PRIVATË**

Në mbështetje të nenit 100 të Kushtetutës dhe të nenit 81, të ligjit nr. 108/2014, “Për Policinë e Shtetit”, të ndryshuar, me propozimin e ministrit të Brendshëm, Këshilli i Ministrave

VENDOSI:

1. Policia e Shtetit ofron shërbime shtesë kundrejt pagesës për persona juridikë e fizikë, publikë ose privatë, në bazë të kërkesës së tyre, për:

a) mbështetje në zhvillimin e aktiviteteve kulturore, kombëtare dhe ndërkombëtare, si: panaire, ekspozita, teatro, koncerte, shfaqje, festivale të ndryshme, në mjedise të hapura dhe të mbyllura publike, si dhe gjatë zhvillimit të aktiviteteve sportive kombëtare dhe ndërkombëtare, në rastet kur organizatorët e këtyre aktiviteteve nuk janë pajisur me vërtetim sigurie nga Policia e Shtetit, sipas përcaktimeve të ligjit nr. 19/2016, “Për masat shtesë të sigurisë publike”, me sigurimin fizik privat, për të ruajtur sigurinë brenda perimetrit të zhvillimit të aktivitetit;

b) vënien në përdorim të uniformës së Policisë së Shtetit, armëve me fishekë manovre, pajisjeve të tjera, mjeteve të loguara policore dhe ambienteve, në fushën e kinematografisë, gjatë zhvillimit të xhirimeve filmike;

c) shoqërimin e automjeteve që transportojnë mallra të rrezikshme, në rastin e kushteve shtesë të sigurisë, sipas ligjit nr. 118/2012, “Për transportin e mallrave të rrezikshme”, e të mjeteve jashtë norme dhe transporteve në kushtet jonormale, sipas përcaktimeve të neneve 10, 61 dhe 62, të Kodit Rrugor të Republikës së Shqipërisë;

ç) ruajtjen dhe sigurimin e përkohshëm për një periudhë deri në 3 (tre) muaj ndaj personave juridikë publikë me rëndësi strategjike, aktiviteti i të cilëve vlerësohet në rrezik, si dhe ndaj personave juridikë privatë që kanë përfutur statusin “Investim/investitor strategjik, procedurë e veçantë”, sipas ligjit nr. 55/2015, “Për investimet strategjike në Republikën e Shqipërisë”, të ndryshuar.

2. Tarifa për shërbimet e parashikuara në pikën 1, të këtij vendimi, është sipas lidhjes nr. 1, që i bashkëlidhet këtij vendimi dhe është pjesë përbërëse e tij.

3. Subjektet juridike e fizike, publike ose private, që kanë nevojë për shërbime policie shtesë, paraqesin kërkesë të argumentuar *on-line* nëpërmjet portalit unik qeveritar “*e-albania*”, jo më vonë se tri ditë përpara datës së shërbimit të kërkuar. Pas vlerësimit të kërkesës, brenda 48 (dyzet e tetë) orëve, subjektit i kthehet përgjigje *on-line* nëpërmjet portalit unik qeveritar “*e- Albania*” për miratimin ose refuzimin e kërkesës dhe i dërgohet kontrata e ofrimit të shërbimit, e cila nënshkruhet nga titullari i njësisë shpenzuese, që ofron shërbimin.

4. Të ardhurat, që realizohen nga kryerja e shërbimeve shtesë të përcaktuara në këtë vendim, përdoren në masën 90% nga Drejtoria e Përgjithshme e Policisë së Shtetit dhe trajtohen si të ardhura jashtë limitit me qëllim përdorimin e tyre për të përballuar mbulimin e shpenzimeve të kryera për ofrimin e shërbimit, sipas këtij vendimi, dhe 10% derdhen në buxhetin e shtetit. Këto të ardhura nuk mund të përdoren në asnjë rast për shpërbim.

5. Ngarkohen Ministria e Brendshme dhe Drejtoria e Përgjithshme e Policisë së Shtetit për zbatimin e këtij vendimi.

Ky vendim hyj në fuqi pas botimit në Fletoren Zyrtare.

KRYEMINISTËR
Edi Rama

SHËRBIMET QË OFROHEN NGA POLICIA E SHTETIT DHE TARIFAT PËR ÇDO SHËRBIM PËR NJË PUNONJËS POLICIE/ORË SHËRBIMI, SHPENZIME TË TJERA OPERATIVE DHE KOEFICIENTI I NIVELIT TË RISKUT PËR ÇDO SHËRBIM

Tabela A

Nr.	Emërtimi i shërbimit	Tarifa mesatare orare për paga, kontribute dhe shtesa mbi page, për punonjës policie	Tarifa mesatare orare për shpenzime të tjera operative, për punonjës policie	Koeficienti nivelit të riskut (i ulët =1, i mesëm =1.5, i lartë =2)	Tarifa totale mesatare orare për një punonjës policie (lekë)
a	b	c	d	e	ë=(c+d)*e
1.	Mbështetje në zhvillimin e aktiviteteve kulturore kombëtare dhe ndërkombëtare si; panaire, ekspozita, teatro, koncerte, shfaqje, festivale të ndryshme në mjedise të mbyllura.	595	220	1	815
2.	Mbështetje në zhvillimin e aktiviteteve kulturore kombëtare dhe ndërkombëtare si; panaire, ekspozita, teatro, koncerte, shfaqje, festivale të ndryshme në mjedise të hapura.	595	220	1.5	1,222.5
3.	Mbështetje gjatë zhvillimit të aktiviteteve sportive kombëtare dhe ndërkombëtare, në rastet kur organizatorët e këtyre aktiviteteve nuk janë pajisur me vërtetim sigurie nga Policia e Shtetit, sipas përcaktimeve të ligjit nr. 19/2016, “Për masat shtesë të sigurisë publike”, me sigurimin fizik privat, për të ruajtur sigurinë brenda perimetrit të zhvillimit të aktivitetit.	595	220	2	1,630
4.	Shoqërim të automjeteve që transportojnë mallrat të rrezikshme, në rastin e kushteve shtesë të sigurisë, sipas ligjit nr. 118/2012, “Për transportin e mallrave të rrezikshme”, dhe mjetet jashtënorme dhe transportet në kushtet jonormale, sipas përcaktimeve të neneve 10, 61 dhe 62, të Kodit Rrugor të Republikës së Shqipërisë.	595	220	1.5	1,222.5
5.	Ruajtja dhe sigurimi i përkohshëm për një periudhë deri në 3 muaj ndaj personave juridikë publikë, aktiviteti i të cilave, me rëndësi strategjike, vlerësohet në rrezik dhe ndaj personave juridikë privatë që kanë përfituar statusin investim/investitor strategjik, procedurë e veçantë, sipas ligjit nr. 55/2015, “Për investimet strategjike në Republikën e Shqipërisë”, i ndryshuar.	595	220	1.5	1,222.5

Tabela B**Ofrimi i shërbimeve në fushën e kinematografisë, gjatë zhvillimit të xhirimeve filmike**

Nr.	Emërtimi i shërbimit	Tarifa totale (Lekë)
1.	Vënia në përdorim e uniformës së policisë	1,000 / për uniformë /për përdorim ditor
2.	Vënia në përdorim të armëve me fishekë manovër/pajisje të tjera	1,000/ për armë/pajisje/ për përdorim ditor
3.	Vënia në përdorim të mjeteve të loguara policore	5,000/ për mjet/ për orë
4.	Vënia në përdorim të ambienteve	5,000/ për ambient/ për orë

